

ՄԻԶԱԶԳԱՅԻՆ ԳԻՏԱԺՈՂՈՎ՝ «ԳՐԱԿԱՆ ՈՒՂՂՈՒԹՅՈՒՆՆԵՐԸ
ԵՎ ԴՊՐՈՑՆԵՐԸ ՀԱՄԱՇԽԱՐՀԱՅԻՆ ԴԱՍԱԿԱՆ
ԳՐԱԿԱՆՈՒԹՅԱՆ ԵՎ ԱԶԳԱՅԻՆ ԳՐԱԿԱՆՈՒԹՅՈՒՆՆԵՐԻ
ՀԱՄԱՏԵՔՍՏՈՒՄ (ՎԱՂ ԿԼԱՍԻՑԻԶՄԻՑ ՄԻՆՉ 20-ՐԴ ԴԱՐԻ
20-ԱԿԱՆ ԹՎԱԿԱՆՆԵՐ). ՏԻՊԱԲԱՆՈՒԹՅՈՒՆԸ,
ԸՆԴՀԱՆՐՈՒԹՅՈՒՆՆԵՐՆ ՈՒ ԱՌԱՆՁՆԱՀԱՏՎՈՒԹՅՈՒՆՆԵՐԸ»
ԽՈՐԱԳՐՈՎ*

Հոկտեմբերի 8–10-ը երևանում տեղի ունեցավ «Գրական ուղղությունները և դպրոցները համաշխարհային դասական գրականության և ազգային գրականությունների համատեքստում (վաղ կլասիցիզմից մինչ 20-րդ դարի 20-ական թվականներ)» տիպաբանությունը, ընդհանրություններն ու առանձնահատկությունները» խորագրով միջազգային գիտաժողովը: Այն կազմակերպել էր ՀՀ ԳԱԱ Մ. Աբեղյանի անվան գրականության ինստիտուտը (ԳԻ)՝ ԳԱԱ հայագիտության և հասարակական գիտությունների բաժանմունքի, Ռուսաստանի գիտությունների ակադեմիայի (ՌԳԱ) Ա. Մ. Գորկու անվան համաշխարհային գրականության ինստիտուտի, Սանկտ Պետերբուրգի պետական համալսարանի, Վենետիկի Մխիթարյան միաբանության հետ: Գիտաժողովն անցկացվեց ՀՀ Բարձրագույն կրթության և գիտության կոմիտեի աջակցությամբ:

Գիտաժողովի աշխատանքներին մասնակցում էին առաջատար գիտնականներ ԳԻ-ից, հանրապետության տարբեր գիտակրթական հաստատություններից, տեսաբան-հետազոտողներ Ռուսաստանի Դաշնությունից, Չինաստանից, Հունաստանից, Վենետիկից: Ընդհանուր առմամբ ներկայացվեց 34 զեկուցում:

Գիտաժողովի նպատակն էր՝ համեմատական գրականագիտության և գրականության տեսության ժամանակակից մեթոդներով անդրադառնալ XIX դարավերջի և XX դարասկզբի հայ և համաշխարհային գրականության ընթացքին ու ներքին տեղաշարժերին, գրական ուղղությունների ձևավորման պատմությանը, միջմշակութային առնչություններին ու փոխազդեցություններին, նպաստել միջազգային գիտական հանրության ներկայացուցիչների հետ կապերի ընդլայնմանը, գիտության արդի ընթացքին ներգրավել երիտասարդ գիտնականների և հետազոտողների: Խնդիր էր դրվել. հենվելով միջազգային և միջգիտակարգային հետազոտությունների վերջին փորձի ու ձեռքբերումների վրա՝ ազգային գրականության փաստանյութը տեղայնացնել մշակութային և գիտական մեծ ժամանակի մեջ ու ներկայացնել նոր մեկնաբանությամբ:

Գիտաժողովը բացվեց ՀՀ ԳԱԱ նախագահության նիստերի դահլիճում: Բացման խոսքով հանդես եկավ և մասնակիցներին ողջունեց ԳԻ տնօրեն, բ. գ.

* Ներկայացվել է 04. XI. 2024 թ., ընդունվել է տպագրության 21. XI. 2024 թ.:

Թ. Հերիքնազ Որսկանյանը: Նա, կարևորելով գիտաժողովի գիտատեսական ուղղվածությունն ու տարբեր երկրների գիտնականների հետ համագործակցության անհրաժեշտությունը, իր ելույթում մասնավորապես նշեց. «Թվում է, որ գրականագիտությունը վաղուց յուրացրել է ուղղությունների ու հոսանքների պատմությունը, որոնց սկզբունքները, ընդհանրություններն ու տարբերությունները հանգամանորեն լուսաբանվել են հետազոտողների աշխատություններում: Սակայն խնդիրն այն է, որ գրական ուղղությունների պատմությունը միագիծ չէ. երբեմն զուգահեռ են ընթացել, երբեմն՝ փոխըմբռնվել մեկը մյուսին, անցել են զարգացման մի քանի փուլեր: Տարբեր երկրներում ձևավորված նույն ուղղությունը երբեք չի եղել մեխանիկական կրկնություն: Ուստի, դեռևս արժեքների վերադասակարգման խնդիրներ կան, առաջ քաշված տեսակետների վերանայման խնդիրներ, այդ ազգային գրականության մեջ տվյալ ուղղության և դպրոցի սահմանների ճշգրտման խնդիրներ՝ սոցիալական, քաղաքական, կենցաղային, հոգևոր իրականության իմացությամբ, անհատի և հասարակության ճակատագրերի, կյանքի ներքին շարժումների վերլուծությամբ: Այդ է վկայում նաև գիտաժողովի հարցադրման հանդեպ մասնագիտական լայն հետաքրքրությունը. բազմաթիվ ղեկուցումներ, տարբեր երկրների գիտնականների մասնակցություն՝ խորքային և մասնակի հարցերի քննությամբ»:

ԳԱԱ հայագիտության և հասարակական գիտությունների բաժանմունքի ակադեմիկոս-քարտուղար, ակադեմիկոս Յուրի Սուվարյանը, ողջունելով գիտաժողովի կազմակերպիչներին, մասնակիցներին և հյուրերին, կարևորեց գիտական միջոցառման նշանակությունը՝ արժեքների վերադասակարգման, հարցադրումների լայն շրջանակի, գիտաքննական-ակադեմիական ուղղվածության իմաստով: «Զեկուցումների մեջ, – ընդգծեց ակադեմիկոս-քարտուղարը՝ գիտաժողովն առիթ համարելով նոր ուսումնասիրությունների մեկնակետի, – հաստատապես փորձ է արվելու գիտարկել գրական զարգացման ընթացքն ըստ գրական ուղղությունների, ապա՝ այս կամ այն ձևով անդրադառնալ գրական դպրոցներին, ստեղծագործական մտածողության զանազան ձևերին նաև ըստ գրական ժանրերի, համեմատական-պատմաքննական տեսություն տալ հայ և համաշխարհային գրականության նույնօրինակ իրողությունների վերաբերյալ»:

Գիտաժողովի մասնակիցներին ուղերձ հղեց և այսօրինակ գիտական հանդիպումները՝ փորձի փոխանակման ու արդյունավետության իմաստով բարձր գնահատեց Սանկտ Պետերբուրգի պետական համալսարանի արևելագիտության ֆակուլտետի ղեկան, ՌԳԱ ակադեմիկոս Միխայիլ Պիոտրովսկին:

Լիազույցար նիստում լսվեց ութ ղեկուցում: ՀՀ ԳԱԱ թղթակից անդամ, ի. Աբովյանի անվան ՀՊՄՀ հայ հին և միջնադարյան գրականության և նրա դասավանդման մեթոդիկայի ամբիոնի վարիչ, բ. գ. դ., պրոֆ. Աելիտա Դուրխանյանը ներկայացրեց «Տիպաբանությունը հայ միջնադարյան պաշտոնական գրականության մեջ» թեմայով ղեկուցումը, լսվեցին Գի առաջատար գիտաշխատող, բ. գ. դ. Պետրոս Դեմիրճյանի «Եվրոպական և հայկական սիմվոլիզմ. ընդհանրություններն ու առանձնահատկությունները», բ. գ. դ., պրոֆ. Արա Առաքելյանի «Պոետիկա» հասկացության փոխակերպումները եվրոպական գրականության պատմության համատեքստում», ի. Աբովյանի անվան ՀՊՄՀ բանասիրական ֆակուլտետի ղեկան, բ. գ. դ., պրոֆ. Աշոտ Գալստյանի՝

«Ռեալիզմի ազդեցությունը 19-րդ դարավերջի հուշագրության մեջ. լեզու և կառուցվածք» խորագրերով զեկուցումները:

ՀՊՄՀ բանասիրական ֆակուլտետի Հայ նոր և նորագույն գրականության և նրա դասավանդման մեթոդիկայի ամբիոնի վարիչ, բ. գ. դ., պրոֆ. Սուրեն Դանիելյանը խոսեց քիչ արձարժված մի խնդրի հեքիաթի ժանրի վերաբերյալ Հակոբ Օշականի տեսակետի մասին՝ հանդես գալով «Յակոբ Օշականը հեքիաթի ժանրի տիպաբանական ընկալումների շուրջ» զեկուցմամբ:

ԳԱԱ պատմության ինստիտուտի առաջատար գիտաշխատող, բ. գ. դ., պրոֆ. Դավիթ Գապարյանը ելույթ ունեցավ «Հայկական ապագայապաշտության տեսական և պատմական առանձնահատկությունները» թեմայով զեկուցմամբ, ԳԻ առաջատար գիտաշխատող, բ. գ. դ., դոցենտ Սուսաննա Հովհաննիսյանը՝ «Ռուս գրողներն ու գրական դպրոցները Հայ պարբերականների էջերում (1890-ական–1910-ական թթ.)», ԳԱԱ «Պատմաբանասիրական հանդեսի» գլխավոր խմբագիր, բ. գ. դ. Անուշավան Զաքարյանը՝ «Յուրի Վեսելովսկին՝ ռուս-հայ գրական կապերի ռահվիրա» խորագրերով զեկուցումներով:

Հայագետ-գիտնականների ելույթները՝ կառուցված դասական գրականագիտության ծանրակշիռ փորձի և գրականության տեսության արդիական հարցադրումների ու միտումների համադրությամբ, ընդունվեցին մեծ հետաքրքրությամբ և տարբեր առաջադիր խնդիրների վերաբերյալ բուռն քննարկումներով:

Հոկտեմբերի 9-ին և 10-ին գիտաժողովի աշխատանքները շարունակվեցին ԳԻ-ում:

Հոկտեմբերի 9-ի առաջին նիստում, որը թեմատիկ ուղղվածությամբ առնչվում էր սիմվոլիզմի պատմությանն ու տեսությանը, իրենց զեկուցումները ներկայացրին Գավառի պետական համալսարանի Հայոց լեզվի և գրականության ամբիոնի վարիչ, բ. գ. դ., պրոֆ. Վաչագան Գրիգորյանը՝ «Նեոռոմանտիկական շարժումը Հայ գրականության մեջ», ՌԳԱ Ա. Մ. Գորկու անվան համաշխարհային գրականության ինստիտուտի ավագ գիտաշխատող, բ. գ. թ. Բուրատյան Զուլումյանը՝ «Վահան Թեքեյանի «Հոգեր» բանաստեղծական շարքը և Հայ սիմվոլիզմի ակունքները», Սանկտ Պետերբուրգի պետական համալսարանի արևելագիտության ֆակուլտետի դասախոս, բ. գ. թ., դոցենտ Դոնարա Մկրտչյանը՝ «Պոեզիայի և արձակի սահմանին. գրական էկլեկտիզմ», ՌԴ-ում ՀՀ դեսպանության մշակույթի կենտրոնում գործող Հայագիտական ամբիոնի վարիչ, բ. գ. թ. Աիդա Մարանջյանը՝ «Սիմվոլիզմի գեղագիտությունը արևմտահայ բանաստեղծության ակունքներում. Միսաք Մեծարենց, Ռուբեն Սևակ, Վահան Թեքեյան, Մատթեոս Զարիֆյան» խորագրերով: Ելույթ ունեցան ԳԻ ավագ գիտաշխատող, բ. գ. թ. Հրաչ Սարիբեկյանը՝ «Ֆրանսիական «նոր վեպն» ու Զարեհ Որբունին», ՀՊՄՀ բանասիրական ֆակուլտետի դասախոս, բ. գ. թ., դոցենտ Նաիրա Խաչատրյանը՝ «Սենտիմենտալիզմը XIX դարասկզբի Հայ գրականության համատեքստում», ՀՊՄՀ բանասիրական ֆակուլտետի դասախոս, բ. գ. թ., դոցենտ Քնարիկ Աբրահամյանը՝ «Ռոմանտիկ հայեացքը արևմտահայ նամակագրությունում» թեմաներով զեկուցումներով:

Նիստն ավարտվեց զեկուցումների վերաբերյալ հարցերով և զնահատողական ելույթներով: Զեկուցումները մեծ հետաքրքրություն էին առաջացրել արձարժված խնդիրների գիտական մեկնաբանության նոր մեթոդներով:

Նույն օրվա երկրորդ նիստի ժամանակ հնչած ելույթներն առավելապես առնչվում էին գրական ուղղությունների և մեթոդների պատմությանը, գի-

տական նոր խնդրադրությունները դրանց պատմատիպաբանական ընդհանուր հատկանիշների և ազգային առանձնահատկությունների գնահատությունը: «Ֆրանսիական կլասիցիզմի գեղագիտական տեսությունը, կանոնակարգի և ազատության միջև» թեմայով զեկուցմամբ հանդես եկավ Ռ.ՓԱ Ա. Մ. Գորկու անվան համաշխարհային գրականության ինստիտուտի Արևմուտքի դասական գրականությունների և համեմատական գրականագիտության բաժնի վարիչ, բ. գ. դ., պրոֆ. Անդրեյ Գոլուբևիով: Սանկտ Պետերբուրգի պետական համալսարանի արտասահմանյան գրականության պատմության ամբիոնի վարիչ, բ. գ. դ., պրոֆ. Լարիսա Պոլուբոյարինովան և ԳԻ գիտաշխատող, Սանկտ Պետերբուրգի պետական համալսարանի դոկտորանտ, բ. գ. թ. Լուիզա Գասպարյանը ներկայացրին համատեղ զեկուցում՝ «Հետպատերազմյան տրամալայի արտացոլումը Վ. Վուլֆի «Միսիս Դեյռուեյ» ստեղծագործության մեջ (Հայկական հարցի մեկնաբանությամբ)» վերնագրով: Վենետիկի Կա'Ծոսկարի համալսարանի պրոֆեսոր, բ. գ. թ. Սոնա Հարությունյան իր ելույթում, որ վերնագրված էր «Միսիս Դեյռուեյի թարգմանական գործունեությունը», անդրադարձավ Միսիս Դեյռուեյի միաբանության գիտական գործունեությանը, մասնավորապես՝ նրանց կատարած թարգմանություններին: Թուամանյանի գրական մեթոդների խաչաձևումների շուրջ զեկուցումով ներկայացավ ԳԻ թուամանյանագիտական խմբի ղեկավար, բ. գ. դ., դոցենտ Եվա Մնացականյանը՝ «Գրական մեթոդների խաչաձևումները Հովհաննես Թուամանյանի ստեղծագործական աշխարհում» զեկուցումով, իսկ ՀՊՄՀ բանասիրության ֆակուլտետի դասախոս, բ. գ. թ. Աննա Սարգսյանի զեկուցման առարկան Զապել Եսայանի գրականությունն էր. նա հանդես եկավ «Զապել Եսայանի գրական մեթոդը» թեմայով:

ԳԻ սիմպոզիումի գրականության ուսումնասիրության բաժնի վարիչ, բ. գ. թ. Արմեն Ավանեսյանը խոսեց Շանթի գեղագիտության մասին՝ ելույթ ունենալով «Լևոն Շանթի «Հին աստվածներ» դրաման և 20-րդ դարակցի գրական ուղղությունները» թեմայով զեկուցմամբ, ԳԻ գիտաշխատող, բ. գ. թ. Նատա Սարգսյանը ներկայացրեց Լևոն Շանթի դրամատուրգիայի քննության մի այլ դրվագ՝ հանդես գալով «Միմեոն Հակոբյանը սիմվոլիզմի տեսաբան. «Սիմվոլիզմը դրամայի մեջ» ուսումնասիրության հիմնարար դրույթները» զեկուցմամբ:

Գիտաժողովի երրորդ՝ եզրափակիչ օրը ևս աչքի ընկավ զեկուցումների բազմազանությամբ և դրանցում քննարկվող խնդիրների կարևորությամբ: Առաջին նիստի ժամանակ ելույթ ունեցան Սանկտ Պետերբուրգի պետական համալսարանի դասախոս, բ. գ. թ., դոցենտ Եվգենիա Միտկինան «20-րդ դարակցի չինական և արևմտյան դեմեկտիվի համեմատական քննություն», ՀՊՄՀ բանասիրական ֆակուլտետի դեկանի տեղակալ, բ. գ. թ., դոցենտ Կարեն Խանյանը՝ «Մաքսիմ Գորկին և հայ մամուլը», Ջինաստանի ժողովրդական Հանրապետության Չանչունի համալսարանի դասախոս Մարիաննա Բալոյանը՝ ««Ներքին մարդու» խնդիրը Վլադիմիր Զազուբրինի «Տաշեղ» հոգեբանական պատմվածքում» թեմաներով զեկուցումներով: ԳԻ հայ նոր գրականության բաժնի վարիչ, բ. գ. թ., դոցենտ Սիրանուշ Մարգարյանը հանդես եկավ «Գարեգին Սրվանձությանցի երկերի քննությունը միֆոլոգիական դպրոցի լույսի ներքո» թեմայով զեկուցմամբ, միջնադարյան գրականության տիպաբանական որոշ խնդիրների անդրադարձան «Զորս գետը» արևելաքրիստոնեական ուսումնասիրությունների հիմնագրամի փորձագետ, բ. գ. թ. Նաիրա Թա-

մամյանը՝ «Կանանց կերպարային դրսևորումները Հայ և եվրոպական գրականության մեջ (XI–XIV դդ.)», Մ. Մաշտոցի անվան Մատենադարանի գիտաշխատող Օվսաննա Խաչատրյանը՝ «Անհեղինակ հանելուկները Հայսմավուրքներում» գեկուցումներով:

Վերջին նիստի երկու գեկուցումները նվիրված էին Ավետիք Իսահակյանի ստեղծագործության փրկսոփայական շերտերի քննությանը: Գի ավագ գիտաշխատող, բ. գ. թ., դոցենտ Նունե Մկրտչյանը ներկայացրեց «Սիրո հավերժության փրկսոփայությունը Իսահակյանի ստեղծագործություններում. «Հավերժական սերը», «Լիլիթ»» թեմայով գեկուցումը, Գի գիտաշխատող, բ. գ. թ. Անի Ղազարյանը հանդես եկավ «Բարուց և չարից անդին. Իսահակյանը նիցչեական փրկսոփայության կրող» թեմայով գեկուցմամբ:

Գիտաժողովի մասնակիցներն ու ներկաները ոգևորվեցին երիտասարդ հետազոտողների գեկուցումները, որոնք աչքի ընկան ակադեմիական գրականագիտությանը հավատարիմ մնալու և գիտության մեջ նոր խոսք ասելու երիտասարդական պատվախնդրությամբ: Գի կրտսեր գիտաշխատող, բ. գ. թ. Սիրանուշ Փարսադանյանի գեկուցման թեման էր «Լեոն Մանվելյանի դերը 20-րդ դարասկզբի Հայ գրականության համատեքստում», Գի կրտսեր գիտաշխատող, բ. գ. թ. Զարինե Սառաջյանը խոսեց Արցախական աշխարհի խորհրդանշաններից մեկի՝ Ամարասի մասին՝ հանդես գալով «Ամարասը և մշակութային հիշողությունը. Հայ պատմագրությունից մինչև 19-րդ դարի գրականություն» գեկուցումով: Գի կրտսեր գիտաշխատող Քրիստինե Մելքումյանի գեկուցումն առնչվում էր Մխիթարյանների դասագրքաստեղծ գործունեությանը՝ «Կրթիցիստական գեղագիտության դրսևորումները Մխիթարյանների դասագրքերում (18-րդ դար)»: Նիստը եզրափակեց Գի ասպիրանտ Արթուր Միրզոյանը՝ գեկուցելով «Բաֆֆու պատմահայեցությունը ու մանտիզմի տիպաբանական համակարգում» թեմայով:

Գիտաժողովի աշխատանքին հետևում էին ասպիրանտներ, ուսանողներ, անհատ-հետազոտողներ: Ներկայացուցչական ու մասշտաբային գիտաժողովի արդյունքները դարձան կարևոր հանգրվան գրականագիտության, մասնավորապես՝ գրականության տեսության և համեմատական գրականագիտության ասպարեզում:

Գիտական հավաքն ավարտվեց ելույթներով, հետագա նմանօրինակ միջոցառումների համար հեռանկարային ծրագրերի վերաբերյալ առաջարկություններով:

ՍԻՐԱՆՈՒՇ ՄԱՐԳԱՐՅԱՆ

Բ. գ. թ., դոցենտ, ՀՀ ԳԱԱ Մ. Աբեղյանի անվան գրականության ինստիտուտի Հայ նոր գրականության պատմության բաժնի վարիչ: Գիտական հետաքրքրությունները՝ Հայ նոր գրականության պատմություն, նորագույն շրջանի Հայ գրականության պատմություն, գրական քննադատություն: Հեղինակ է 2 գրքի և 40-ից ավելի գիտական հոդվածի: ORCID:0000-0003-1009-3514. siranush.margaryan.71@mail.ru.